



Universitätsbibliothek Paderborn


Agenda, Sev Ritvale Osnabrvgense

Franz Wilhelm <Osnabrück, Bischof>

Coloniæ Agrippinæ

De Officio, faciendo in Exequiis, absente corpore defuncti; & in die tertio,
septimo, trigesimo, & anniversario.

urn:nbn:de:hbz:466:1-41233



Deinde Pater noster. Psalmus. De profundis.
cum Precibus & Orationibus, Officio congruentibus,
ut supra in Vesperis.

Pag. 154.

Pag. 247.

De officio, faciendo in Exequiis, absente cor-
pore defuncti, & in die tertio, septimo,
trigesimo, & anniversario.

Si facienda sint Exequiae, absente corpore; eo die, quo bene visum fuerit, in Ecclesia datur Officium Mortuorum, cum tribus Nocturnis & Laudibus, & Antiphonis duplicatis; vel saltem unum Nocturnum cum tribus Lectionibus, & Laudibus, & Missa. Post Missam, Celebrans deponit manipulum & planetam, accipit pluviale nigri coloris; & precedentibus Subdiacono cum Cruce, & Clero, & duobus Ceroferariis cum luminibus accensis & duobus Acoluthis, uno cum navicula incensi & thuribulo, & altero cum vasculo aquæ benedictæ & aspersorio & hoc libro Rituali, accedit, cum Diacono à sinistris, ad locum tumuli, & ibi à circumstante Clero cantatur

Resp. Libera me Domine, ut supra.

Pag. 235.

Interim ministratur incensum, benedicitur, & im-
ponitur in thuribulum. Postea dicitur: Kyrie

P p elei-

eleison. Christe eleison. Kyrie eleison. *Sacerdos dicit*: Pater noster, &c. &, dum secreto dicitur, accipit aspersorium, circuit tumbam aspergens; deinde incensat eodem modo, ut dictum est. Postea dicit *Vers.* Et ne nos inducas in temptationem. *Resp.* Sed libera nos à malo. *Vers.* A porta inferi. *Resp.* Erue Domine animam ejus. *Vers.* Requiescat in pace. *Resp.* Amen. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Absolve, quæsumus Domine, animam famuli tui, (famulæ tuæ,) ut defunctus (defuncta) sæculo tibi vivat: & peccata, quæ per fragilitatem carnis humanâ conversatione commisit, tu veniâ misericordissimæ pietatis absterge. Per Christum Dominum nostrum. *Resp.* Amen.

Vel dicatur Oratio, quæ dicta est in Missa; vel alia conveniens. Vers. Requiem æternam dona ei Domine. *Resp.* Et lux perpetua luceat ei. *Vers.* Requiescat in pace. *Resp.* Amen.

Si Officium fuerit pro pluribus defunctis, Oratio & Versus dicantur in plurali numero; si fuerit mulier, in genere feminino: si fuerit Sacerdos vel Episcopus, in Oratione exprimitur nomen dignitatis, &c.

Prædictus autem Officii ritus pro defunctis adultis, tam Sacerdoti-

dotibus & Clericis, quam secularibus & laicis, servari debet, in Officio sepulturæ, in die depositionis, sive in die tertio, septimo, trigesimo, & anniversario: item in visitatione sepulchri, pro consuetudine locorum, prædictis diebus facienda.

De Exequiis Parvulorum.

Parvuli, qui post Baptismum ante usum rationis eripiuntur, oratione Ecclesiæ non indigent; quia nihil damnationis est in his, qui sunt in Christo Iesu, & non secundum carnem ambularent: & sicut injuriam faceret Martyri, qui pro Martyre oraret; ita innocentie Baptismali injurius esset, si quis eis salutis requiem precaretur, qui innocentes, immaculati, puri, ac Deo dilecti, effecti sunt coheredes Christi, ita ut nihil prorsus eos ab ingressu cœli remoretur.

Quia tamen horum corpusculis, tanquam organis & vasis, sanctus infusus fuit Spiritus; etiam illorum funera officiosa sunt pietate curanda, in protestationem fidei, resurrectionis, & ad laudem divinae providentiae, sub qua & ista regeneratorum corpora requiescere creduntur.

Ordo sepeliendi Parvulos.

Cum igitur infans, vel puer baptizatus, defunctus fuerit ante usum rationis, imponitur ei corona de floribus, seu de herbis aromaticis & odoriferis, in signum integratatis carnis, & virginitatis; & Parochus, superpelliceo & stolâ albâ indutus, & alii de Clero (si adsint,) præcedente Cruce, quæ fine vel cum hasta defertur, accedunt ad domum defuncti cum Clerico, vel alio, aspersorium deferente. Sacerdos aspergit corpus; deinde dicit, vel cantat:

P p 2

Antiph.